



Z wulkej wutrajnosću je wuhotowarka rumnosćow Katrin Šěnowa ze Šunowa (předku naprawo) dohromady džesać džěćom šića na elektriskej mašinje zblížila. Wotpowědny prózdniński poskitk w Smjerdžecan kulturnym domje je Serbske kubłanske srjedzišćo LIPA w tutym tydźenju organizowało.

Foto: Michaela Rabowa

Zmysłapołna, wužitna zabawa

Prózdniński poskitk SŠT – kurs za nawuknjenje šića – derje wopytany

Smjerdžaca (aha/SN). Wčera zakónči so w kulturnym domje w Smjerdžacej kurs za nawuknjenje šića z elektriskej mašinny. Ideju za to je tamniše towarstwo LIPA měło, kotraž je w nošerstwje Serbskeho šulskeho towarstwa.

Minjenu pónđzdu witaše jednaćel Serbskeho šulskeho towarstwa (SŠT) Andreas Ošika dohromady džesać wobdźělnikow. Chwalo jich rozsud, zo so w prózdniach tak zmysłapołnej, wužitnej a w kóždym času trěbnej zaběrje wěnuja a wostudu njepasu, zahaji wón prózdniński poskitk. Wobdźělnicy, mjez nimi dwaj hólcaj, njeběchu jenož z wokolnych delanskich wsow přišli, ale tež ze zdalenišich kaž Dobrošic, Worklec abo Serbskich Pazlic.

Fachowy nawod přewza Katrin Šěno-

wa ze Šunowa, kotraž je wuhotowarka rumnosćow w swójbny m předewzaću w Šunowje. Wona chwaleše sej motiwaciju, wutrajnosć, sćerpnosć a disciplinu wšěch wobdźělenych. Hačrunjež njeběchu wšityc započatkarjo, běše tola kóždemu wažne zhonić, kak maš sej džělowe městno ze šijawu zarjadować a kak móžeš přepruwować, hač mašina w prawym džěłokmanym stawje je. Po tym, zo běchu wšityc wobdźělnicy šijawu poslužować nawuknyli, podachu so do šića zawkow, měškow a šawlow. Stajichu so tež wuspěšnje wjetšim wužadanjem, kaž zešiću rjaneje toboły.

Šulerka Mila Waldžic z Worklec je z wulkej sćerpnosću za swojeho džěda rjanu krawatu zešila. Helena Brězaneć ze Smječkeć běše wjesoła, zo je so jej rja-

ny pask na čolo tak derje poradził. Stanij Čornak z Dobrošic njeběše započatkar, wšako je so hižo doma z maćerju na šijawje pospytał. „Tu sym so dale wukmanił“, wón praji a pokazuje hordže tři nowe čapki – nic jenož za sebjě, ale tež za bratra a nana.

Wulka hora najwšelakorišich lapkow a šlipkow platu abo filca, pisanych cwornow a bančikow na poslednim dnu kursa wo tym swědčeše: Tu je so podžětało a to jara produktiwnje! Hladajo na dobry wothłós kaž tež na přemóžace wuslědky młodych wobdźělnikow je Michaela Rabowa, projektowa managerka SŠT, wo tym přeswědčena, zo so tajki kurs znowa přewjědže. „Sčasom měli so wo trěbny dobry nawod poskitka starać“, wona wuzběhny.